

金匱玉函經



NLIC 2970657768

金匱玉函經卷第六

辨發汗吐下後病形證治第十九

發汗後水藥不得入口爲逆

發汗後飲水多者必喘以水灌之亦喘

未持脉時病人叉手自冒心師因教試令欬而

不卽欬者此必兩耳無所聞也所以然者重發

汗虛故也

發汗後身熱又重發其汗胸中虛冷必反吐也

二陽併病太陽初得病時發其汗汗先出復不
徹因轉屬陽明續自微汗出不惡寒若太陽證
不罷者不可下之下之爲逆如此者可小發其
汗設面色緣緣正赤者陽氣怫鬱在表當解之
熏之若發汗不大徹不足言陽氣怫鬱不得越
當汗而不汗其人燥煩不知痛處乍在腹中乍
在四肢按之不可得其人短氣但坐汗出而不
徹故也更發其汗卽愈何以知其汗出不徹以

脉澁故知之。瀕半日，病復發，其汗病已瘥，其人陽明病本自汗出，醫復重發其汗，病已瘥，其人微煩不了了，此大便堅也。以亡津液，胃中燥，故令其堅。當問小便，日幾行。若本日三兩行，今日再行者，故知大便不久出。今爲小便數少，津液當還入胃中，故知必當大便也。若與桂枝湯，若大下後發汗，其人小便不利，此亡津液，勿治之。其小便利，必自愈。當節飲食，而反劫之，以醫

病人脉數數爲熱當消穀引食而反吐者以醫發其汗陽氣微膈氣虛脉則爲數數爲客熱不能消穀胃中虛冷故吐也

病者有寒復發其汗胃中冷必吐衄傷寒發其汗身目爲黃所以然者寒濕相搏在裏不解故也

發汗後重發其汗亡陽譫語其脉反和者不死傷寒發汗已解半日許復煩其脉浮數可復發

其汗宜桂枝湯而不解其人發熱心下悸頭眩
傷寒大下後復發其汗心下痞惡寒者表未解
也不可攻其痞當先解表表解乃可攻其痞解
表宜桂枝湯攻痞宜大黃瀉心湯

發其汗反躁無表證者宜大柴胡湯

服桂枝湯大汗出若脉但洪大者與桂枝湯若
其形如瘧狀一日再發汗出便解與桂枝二麻

黃一湯

服桂枝湯大汗出大煩渴不解若脉洪大屬白
虎湯證

太陽病發其汗遂漏不止其人惡風小便難四
肢微急難以屈伸屬桂枝加附子湯證

發汗不解腹滿痛者急下之宜承氣湯一云大
柴胡湯

發汗後身體疼痛其脉沉遲屬桂枝加芍藥生
薑人參湯證

太陽病發其汗而不解其人發熱心下悸頭眩
身瞤而動振振欲僻地者屬玄武湯證

發汗後其人臍下悸欲作賁豚屬茯苓桂枝甘

草大棗湯證

發汗過多以後其人叉手自冒心心下悸而欲

得按之屬桂枝甘草湯證

發汗後腹脹滿屬厚朴生姜半夏甘草人參湯

發其汗不解而反惡寒者虛故也屬甘草附子

湯證

不惡寒但熱者實也當和其胃氣屬小承氣湯
太陽病發汗後大汗出胃中乾燥煩不得眠其
人欲飲水當稍飲之令胃中和即愈

太陽病三日發其汗不解蒸蒸發熱者屬調胃
承氣湯

傷寒脉浮自汗出小便數頗復微惡寒而脚攣
急反與桂枝湯欲攻其表得之便厥咽燥乾煩

吐逆作甘草乾薑湯以復其陽厥愈足溫更作芍藥甘草湯與之其脚卽伸而胃氣不和讖語可與承氣湯重發汗復加燒針者屬四逆湯傷寒汗出解之後胃中不和心下痞堅乾噫食臭脇下有水氣腹中雷鳴而利屬生薑瀉心湯傷寒五六日其人已發汗而復下之胸脇滿微結小便不利渴而不嘔但頭汗出往來寒熱而煩此爲未解柴胡桂枝乾薑湯證

陽明病汗出若復發其汗小便自利此爲津液
內竭雖堅不可攻之當須自欲大便宜蜜煎導
而通之若土瓜根猪膽汁皆可以導

凡病若發汗若吐若下若亡血無津液而陰陽
自和者必自愈

傷寒大吐下之極虛復極汗者其人外氣怫鬱
復與之水以發其汗因得噦所以然者胃中寒
冷故也

傷寒吐下發汗後心下逆滿氣上撞胸起則

眩其脉沉緊發汗卽動經身爲振搖屬茯苓桂

枝白朮甘草湯證

發汗吐下以後不解煩躁屬茯苓四逆湯證

發汗吐下後虛煩不得眠劇者反覆顛倒心中

懊懺屬梔子湯若少氣梔子甘草湯若嘔者梔

子生姜湯證

傷寒下後煩而腹滿臥起不安屬梔子厚朴湯

傷寒吐下發汗虛煩脉甚微八九日心下痞堅
脇下痛氣上衝咽喉眩冒經脉動惕者久而成
痿

傷寒發汗吐下解後心下痞堅噫氣不除者屬
旋覆代赭湯證

太陽病吐下發汗後而微煩小便數大便因堅
可與小承氣湯和之則愈

太陽病不解轉入少陽脇下堅滿乾嘔不能食

往來寒熱尙未吐下其脉沉緊可與小柴胡湯
若已吐下發汗溫針柴胡湯證罷此爲壞病知
犯何逆以法治之

吐利發汗其人脉平而小煩此新虛不勝穀氣

故也

下已後發其汗必振寒又其脉微細所以然者

內外俱虛故也

發汗若下之煩熱胸中塞者屬梔子湯證

下以後復發其汗者則晝日煩躁不眠夜而安
靜不嘔不渴而無表證其脉沉微身無大熱屬
附子乾薑湯證

大汗出若大下利厥者屬四逆湯證

太陽病先下而不愈因復發其汗表裏俱虛其
人因冒冒家當汗出愈所以然者汗出表和故
也表和故下之

太陽病先發汗不解而下之其脉浮不愈浮爲

在外而反下之故不愈今脉浮故在外當解其
外則愈宜桂枝湯
傷寒六七日發熱微惡寒支節煩疼微嘔心下
支結外證未去者屬柴胡桂枝湯證
發汗多亡陽狂語者不可下可與柴胡桂枝湯
和其營衛以通津液後自愈
太陽病醫發其汗遂發熱惡寒復下之則心下
痞堅表裏俱虛陰陽氣併竭無陽則陰獨復加

金匱要略卷六
火針因而煩面色青黃膚潤如此者爲難治今
色微黃手足溫者易愈

夫病陽多熱下之則堅汗出多極發其汗亦堅
太陽病重發汗而復下之不大便五六日舌上
燥而渴日晡所小有潮熱從心下至小腹堅滿
而痛不可近屬大陷胸湯證
三陽合病腹滿身重難以轉側口不仁面垢譫
語遺溺發汗則譫語下之則額上生汗手足厥